

www.BibleForChildren.org

Mataio 26



Ewalicebaicnele
hombang yogolec
hadeng 6 faemewa,
Yesu ye Lasarosle mac
Betani, iwa hikewec.
Yesudi ngic ye hocne
homackacni bagboliyeme
fangkewec.
Ngiyeebongka, yogowahac
Mariadi socte sanda 1 kilo
nebocine efecnemac, umacine
yogolecsoc balu Yesule higewa kweme
wame hosocnowec.



Sanda yogo
daling wacine
narda, yogolec
misainedi baicne
ailu yogolec fuline
feicnebenang. Hosocnolu
hodoc-dowecinele susucinedi
higeine keleng bacnowec.
Inguc aime heloc yogolec
hoinedi fitolu mac yogolec
kwelina sawelu fawec.



Aime mic-tengtengfocine 12 yengelacni monic wacine
Yudas Iskariot, yedi Yesu baningte milu depec-baba
ngic micne yengela hikewec.

Hikeme yenge beliyelu moneng
lacnoningte mipangkeibong.

Inguc mibong Yudas ye
dameng madicne monicka

Yesu mudockelu balu

yengele molewa

lonale, yogolec

donge hilalu

wangec

gawec.



Aime Yesu ye mic-tengtengfocine
yowa edocebawec, yogo balaibelu
Ewalicebaicnele hombangte lama
madecineholec nosing lobelu
bamockeibong. Aime yenge nolu
ngiyeebongka, Yesudi bret monic
balu Wapong kwele-madic micnolu
ret yogo bauckelu mic-tengtengfocine
yanguc milu yelewec,
"Ngenge yago
balu noning,
yogo soc-biucne."




Inguc milu kap monic balu Wapong
kwele-madic micnolu milockelu
yanguc milu yelewec, "Yago sacne,
ngenge sasawadi balu noning. Nale
sac yogodi dodofic gbolicne, yogo
ngic-ngigac bocyac yengele bikic
miyac aime madickeningte ailu
sotingkeicne."



"Saimon, Saimon, ga ngagenong. Satang ye ngic yengi wit yafoine webong wanale kpendaecaigaing, silicine ingucnehac madicnacni bafaliyecngebame sowaleningte biyac alingkelu milockeneleyec. Aime Saimon, nani gale ailu biyac mimiloc bole yanguc babac. Ga ngage-ngagesinggone wickeengka mi wadaic."



"Ailu ga kwelegone hefaliyeme nala hatacmac
welelu ngic hae-gbafocgone basanangebadamec!"
Aime Pitadi miwec, "Sugucne, gaholec muc-macka
haunogale nga homanogale biyac efeckebac." Mime
Yesudi edowec, "Pita, na yowa edocgube ngagec.
Yakumac deboc yagowahac kokolec ngicne mi
hiyaemewa, ga
bisocnung alecine
habackang
aidaicte."



Aime Yesu ye
mic-tengtengfocine
yengeholec hikecgu
bole himong monic
wacine Getsemane, iwa
hikeibong. Hike sulumelu
yedi mic-tengtengfocine
yanguc edocebawec,
"Ngenge yawa ngiyeebongka
na edi lelu milockedacte."



Inguc milockelu yanguc
miwec, "O Mamac,
Mamacne, wiyac sasawa
yogo nalic aidamecte.
Ga doicte kap yago
baickenong. Ailu nale
angacti mi sanangkedaic,
miyac. Gale angac nga
ngage-ngage yogodi
sanangkedaic."



Ye inguc ngagelu depec-baba ngic micne nga Farisaio yengele lebe-ngic, ailu Roma yengele hudu-baba ngic bacebame kwesiibong. Yenge hifa nga angoc ailu hudule wiyac gocne momoc balu kwesiibong.

Aime yengelacni monicti kwelec kwekwe ngic monic welu hedecine foleinapec wekwackeme wawec.

Ngic yogo ye depec-baba ngic yengele damong sugucne, yele kwelec kwekwe ngic.


Wekwackemebac Yesudi miwec, "Ngenge aibaba yogo hegilening!" Inguc milu kwelec kwekwe ngic hedecine bauwalu bamadickewec.



Inguc aime yenge Yesu balu depec-baba ngic yengele
damong sugucnele macka mengockelu hikeibong. Aime
Pita ye lobenginang dadalisuchac balaibecebalu
hikewec. Hikeme ngic
gocne yenge macte oda
kwelina sobeng hewacina
dac fitobong lobeme
folalu ngiyebong,
Pita yengeholec
ngiyewec.



Inguc mime depec-baba
ngic yengele damong
sugucnele kwelec
kwekwe ngic monic,
ye Pitadi hedecine
wekwackewec, yele
alingkacni ngic monic yedi
miwec, "Ga yufu-bolewa
yeholec gaengka na
nganicgugabac, me?" Inguc
mime Pita ye hatacmac bisockeme,
iwahac kokolec ngicne hiyawec. Aime
Pita ye yowa yogo ngagesilu oda
lobina haulu kwele-sowac sugucne
ngagelu hii sugucnehac hiyawec.




Milu kpatulelu ngiyeibong, yenge
sasawadi fangkelu Yesu balu
Pailatla bahikeibong. Inguc mibong
Pailatdi uwacnolu miwec, "Ga Yuda
ngic-ngigac yengele ngictau, me?"
Mime bafaliyelu miwec,
"Yogo hocne gageuc
migic." Nga Pailat yedibac
Yesu lukecnome hikenale
ngagelu ngic-ngigac yengela

hatacmac sanangkelu miwec.
Mime yenge aukwelu miibong,

"Malicponгка weng homana!
Malicponгка weng homana!"



Inguc mibong Pailatdi malicponгка
weningte yengele molewa lolu
hegileyeleme, Roma yengele
hudu-baba ngic yengi baibong. Babong
Yesu yeuctihac malicponngine
tengkeme himong bulilicine monic,
wacine Hodoc-luwe wackeicne, nga
Hibru yowawa Goligata, iwa balu
hikeibong.




Yogowa hikelu Yesu malicpongka
weibong. Aime yeholec ngic
yaeckang neboc nga neboc
wecepabong domaiboc.

Aime Yesudi
hewacnginac
domawec, inguc
wecebaibong.



Aime wenac-dongeine kundung kwewec, dameng
iwahac Ibu-macte kpoluc sugucne yogo fouckeme
yaeckang aiiboc. Aime Yesudi malac sugucnehac
wackelu miwec, "Mamac, asune
molegona logabac!"
Inguc mime asuine
ofewec.



Bangkaleme ngic monic wacine
Yosefe, Arimateahocni, ye iwa
kwesiwec. Ngic ye
wactowaineholec, Yuda
ngic-ngigac yengele
Tutumangtowa,
yogolec memba
monic. Ailu ye
Wapongte

ngani-damongte wangec
gawec. Yedi hangoc
mikac Pailatla hikelu
Yesule kponggbong
banogale uwachowec.



Micnome Yosefe ye kpoluc
madicnebenang monic fuli balu
Yesule kponggbong
malicpongkacni bamoctolu
kpolucti wabungkelu
dongesiwa balu
hikewec. Dongesi
yogo posa henebe
gufuicna fawec,
iwa kponggbong

lolu posatowa monic
kpalundungkeme
yefine hedickewec.



Saeme Sabat aime depec-baba ngic
micne nga Farisaio yenge
kpaduckelu Pailatla
hikelu yanguc miibong,
"Sugucnenonggeng,
kwesac-ngic yogodi
gbolicne gawecka,
yowa monic miwec,
nonge yogo
ngagesigabeleng."



"Yogo edocgubeng ngagenong, 'Na homalu fabe hadeng habackang aiyemewa, Wapongti homackacni hatacmac bagboliyecnume fangkedacte.'"



Inguc mime yenge hikelu dongesi
nuine posadi baicne yogo mi
baickeningte feina aka
lobong fawec. Ailu
hudu-baba ngic yengi
damong domaningte
edocebaibong.



Sabat dameng motome Sonda
ubiyacte mac sae-saele Maria
Magadalen ailu Maria agoine,
yeke dongesi nganinogale
hikeiboc. Hei, Sugucnele
angelo monicti
honocmengkacni
wame memeya
sugucne

tapiliineholec
bawec. Bame yedi
dongesile posa-nu
yogo igockelu
kpalundungkeme
hikeme feina felu
ngiyewec.



Aime dongesi damong
yenge ye nganilu
hangocebame dengdeng
kwelu homanogale ailu
faibong.



Aime ngigac yeke hikeboc angelodi yanguc edocepawec, "Ngeke mi hangocngepana, ngeke Yesu malicpongka weibong, ye nganinogale kwesigabiyec, yogo na ngagegabac.

Aime yebac yawa mi fagac. Ye yowa edocngebawec,

yogo hocne balaibelu gboliyelu fangkegac.

Ngeke ya welelu mapicine nganinic."




Inguc aime yeke hangocepame dongesi
hegilelu belic-belicka
mic-tengtengfocine siduc
edocebanogale biyac gasackelu
hikeiboc. Gasacke hikelu
yefewa Yesu bafuwaboc yedi
yanguc miwec, "Wenac-madic."
Inguc mime yeke emeina lelu



ngosockelu
higeina

balu afeeiboc.





Aime mic-tengtengfocine 11 yenge noosing nolu
ngiyeebongka, Yesu ye yengela fikewec. Aime ye
gboliyelu fangkeme gocne yengi nganilu
edocebaibong, yogo mi ngagesingkeibong. Aime
kwelengineng fongkewecte ailu ngaba silicka yowa
edocebawec. Sugucne Yesu ye yowa inguc milu
edocebame motome, Wapongti bame honocmengka
fewec. Aime yele mole-foleinapec ngiyelu gagac.



I yangucte, Wapongti himongtowale
ngic-ngigac yengele kwele-angac
sugucnehac ngagewecte ailu, Madecine
moniyang sugu lome himongka wawec.
Ilec monicti ye ngagesingkegac,
ye mi homadaicte, ye
gaga-sanang
bagac.



Roma 3:23

Aime ngic-ngigac nongileng ngani-nganinonggeng haicine
monic-monic mi aigac, nongileng sasawadi bikickolecte
ailu Wapongta wac feicne facaigac, yogolec maaine
banangte lilolu gagabeleng.

Roma 6:23

I yangucte, bikicte fuli yogo homac banoga. Nga
Wapongte kwele-madicte wiyac yogobac
Sugucnenonggeng Kristo Yesule ailu gaga-sanang
fuline mikac moc noledaicte.

Hibru 9:27

Aime ngic-ngigac sasawa dameng moniyang sugu
homanangte miwec. Ailu lobewa gacgu yowawa
domadabelengte.



Efesas 2:8,9

I yangucte, ngenge Yesu ngagesingkeibongte yedi kwele-madic ainglewec, yogodi bikicte ameine bame wasecne aiibong. Aime Wapong ye ngageboc mi ailu ngage-ngagesingngineng yogo ngelewec, yogo ngengelacni miyac. Wasecne aiibong, yogo ngengileng aibabale miyac. Ilec monicti yeicne ngageme wiyac feicne mi aidaic.

Roma 10:9,10

I yangucte, ga micgonedi Yesu ye Sugucne, yogo miyengka yegengkedaictewa, nga Wapongti Yesu homackacni bagboliyewec, yogo kwelewa ngagesingkedamectewa, Wapongti bikicte ameine bame wasecne aidamecte. Nongileng kwelenonggengti ye ngagesingkebeng, yedi dondonne wacnubadaicte. Ailu micnonggengti yele mibeng yegengkeme, yedi bikicte ameine bame wasecne aidabelengte.



Yoane 3:16,17 I yangucte, Wapongti himongtowale ngic-ngigac yengele kwele-angac sugucnehac ngagewecte ailu, Madecine moniyang sugu lome himongka wawec. Ilec monicti ye ngagesingkegac, ye mi homadaicte, ye gaga-sanang bagac. Wapongti Madecine himongtowale ngic-ngigac bikicngineng wosaelu mimoctonale mi saleme wawec, miyac. Ye himong ngic-ngigac yengele bikicte ameine bame wasecne ainingte himongka saleme wawec.

1 Yoane 5:11-13 Aime yowa yogodi yanguc edocnubame yegengkegac, Wapongti gaga moto-motoine mikac nolewec. Aime gaga yogodi Madecinela fagac. Monic ye Madeckolec wetackelu gagac, ye gaga noineholec gagac. Nga monic ye Wapongte Madeckolec mi wetackelu gagac, yele gaga noine mikac aigac. Ngic-ngigac Wapong Madecine ngagesingkegaing, yenge gaga-sanangkolec gagaing, ngenge yogo ngage-motoningte hibi yago kwelengkenggelegabac.



Mataio 26-28; Luka 22-24; Yoane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Migabac NT (mpp) © 2019, Wycliffe Bible
Translators, Inc. All rights reserved.

<https://www.bible.com/bible/870/MAT.1>

©2025 Bible for Children, Inc.

www.M1914.org

www.bibleforchildren.org

